



Sabtu, 08 Mei 2021

Ogen: Perngandungen 1:1-22



KELSEHEN SIMESANGAT



Kegeluhen idoni enda erpaksa-paksa, lit paksa ceda ate-meriah ukur, sakit-sehat, besur-melihe ras sidebanna. Kuga kita ngidah dengen ndalani erbage-bage paksa enda tentuna labo kerina kalak paguh, ngasup lit ka nge si kelsehen tapi la sitik si ngasup ertahan ras erjuang ngalakenca. Banci saja paksa enda pe kecibal geluh ras jabunta ngalaken erbage-bage situasi. Ibas sienda mari kita erlajar arah ngidah kegeluhen bangsa Dibata.

Kitab perngandungen (Ind. Ratapan) nuriken kerna keruntuhen Jerusalem ras pembuangan. Kegeluhen bangsa Dibata si secara bersama tentuna ije perseorangen ras jabu tetap bagin kegeluhen bangsa enda. Ituriken ibas renungenta enda ceda ate kerna Jerusalem. Enggo salih kota enda ibas keriahen si luar biasa jadi melenget, talu me ia, kota e tading runtuh-runtuhen nari, erta-erta enggo irampuki imbangna. Mbarenda ermulia genduari lanai mehaga, kinilahagan enda igambarkan desken diberu balu-balu. Bage kepenken diberu simbalu ibas masyarakat lanai mehaga, lanai iergai. Tangis, kelsehen, iluh mambur. Bageme rayatna kelsehen ndarami anakan siman pangan gelah ula mate, ndehkuh ia igejabna ukumen siialokenna seh kal beratna.

Ibas situasi e lit denga kepe ingan nuriken pusu, ingan ngadu dengen mindo penampat. Ngarap idengkehken Tuhan kelsehen bangsa enda alu ngarap lit wari sipepagi sienggo ipadanken Dibata nai. Bagenda me kalak si tuhu-tuhu kote, kelsehen, ndarami ingan ngadu ras mindo penampat. Desken bangsa Dibata, kalak Jerusalem enda me banci saja pusuhta genduari erlebuh man Tuhan. Ibas kerina kecibal geluhta, perlu kal kita penampat, pengapul si



tuhu-tuhu banci mperdiateken kita. Mari si jadikan
Dibata inganta nuri-nuri dingin sijadiken dirinta jadi
alat Dibata ndengkeheken kelsehen simesangat e.